

ДЕКАБРТЬ

5-це шистонза 1940 кизоня

135 (1787) №

ПИТНЕЦ 5 тр.



Комсомолю ВАЙГЯЛЬ

ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА

ЛИСЕНДИ

8-це КИЗОСЬ

Адресс: г. Саранск,
Советская ул., Дом печати.

Шумбра улеза Сталинская Конституциясь!

КОНСТИТУЦИЯНЬ ШИСЬ—ВСЕНАРОДНОЙ ПРАЗДНИК

Топодсть ниле кизот ся шиста сявомок, мзяр-да народть посланецеза во главе сембе прогрессивнай человечествать другснот и вождсьнот Сталин ялгата мархта примасть документ, конац корхтай простой, сембонди шарькодеви валса СССР-са социализмавь победатнень, капиталистическо-помещичьяй игать алда СССР-нь трудящайхнень навеки освобождениянь фактнень колга. Сят сатфкснень колга, конатнень советский народсь сатозень Ленинонь—Сталинонь партиять гениальной руководстванц ала.

1936-це кизонь декабрь 5-це шистонза Советонь VIII-це Чрезвычайнай с"ездсь примасть СССР-нь од Конституция, конанц народть единый волянь коряс с"ездсь лемдезе сонь твсрещонц великай Сталинть лемса—Сталинский Конституцияньке. Од Конституциять примаманц колга кулять аф аныцек советский народсь, но и сембе прогрессивнай человечествась васьфтезе оцю радостьа и ликованияса. Тя шись странать сембе ужениязон эзга кода и азфс"ездть решениянзон эса, шарффтф подлинна всенародной праздничокс.

Победатне, конат сёрматфт золотой букваса Сталинский Конституциять эса, сатфт троцкистско-бухаринский, буржуазно-националистический бандатнень и народонь лия вракнень каршес беспощадна тюрезь, конат ёрасть сявомок народть кядьста тя конституциять и максомс меки тейвза царский кандалатнень и козянь ярмоть. Но тейст тя ашезь удала, да и мзярдонга аф удай! Иба народсь синь, кода келдань эстакиге тапасыне и шова-сыне пильгонц алу.

Сталинский Конституциясь макссь СССР-нь граждаттвенди прават трудити, лиякс мярьгомс права любовай пингть получамс работа трудонь количествань и качествань коряс питнень пандозь, права ваймамат и образованияти, права получамс материальной лезкс государствать ширде, мзярда ломанц имафтсь трудоспособностенц. Макссь валонь, печатень, собраниянь и митингонь свобода. Сталинский Конституциясь—тя мирса инь демократический конституциясь. Сон тис инь демократический выборнай система, мзярда властенъ верховнай оргатне кочкесихть закрытай, тайнай голосованияса. Тя системать коряс 1937 кизонь декабрь 12-це шистонза Советский народсь кочкась мирса васенце социалистический парламентть—СССР-нь Верховнай Советть, 1938 кизонь июнь 26-це шистонза—союзной и автономной республикань Верховнай Советт, и 1939-це кизонь декабрь 24-це шистонза кочкафт трудящайнь депутатонь местнай Советт.

Тя кизоня историяса васенда нинге кочкасть Сталинский Конституциять коряс Верховнай Совету эсь представительснот минь единокровнай братоньке—западнай украиненце и западнай белорусне, Карело-Финский республикань нароттне. 1941 кизонь январь 12-це шистонза кочкайхть сонь корязонза СССР-нь Верховнай Совету представительхть Литвань, Латвиянь, Эстониянь, Бессарабиянь и Севернай Буковинань нароттне, конат добровольна тя кизоня сувасть великай Советский Союзть составс. Нят нароттне сембе советский народть мархта фкя семьяса кармайхть радостна празднованда Сталинский Конституциянь шить.

Сталинский Конституциясь—тя великай итог советский народть социализмавь сембе победанзонды, и тяка пингть действиянь программа буржуазнай странань трудящайхненди. Сон "духовна вооружандакшнесы минь рабочей классоньконь, минь крестьянстваьконь, минь трудовой интеллигенцияньконь... Сонь мольти ивголи и кепси законнай гордостень чувства...кемокснесы эсь вийхненди верондамать и мобилизует коммунизмать од победанзон инкса од тюремат".

(Сталин)



ПОДАРКА КОНСТИТУЦИЯНЬ ШИТИ

Саровский машиностроительный заводонь рабочайхне и работницатне анокламок всенародной праздничонь шити—Конституциянь шити, кеподсть производственной под'емонь волна, вишкотежь социалистический соревнованиять. Ирезультатокс арась ся, што заводонь лама рабочей васьфтезь праздничть производственной оцю показательса, лама рабочей пашкоткшнесазь нормаснот кафтонь-колмонь крда.

Комсомолец В. Н. Степин производственной норманц мекольден пингть пашкоткшнесы 300—320 процентс эрь шивя. Тяда башка завода лувондови фкя инь цебяр общественникс, вяти оцю массово-раз'яснительнай работа рабочейхнень ёткса. Степин ялгась цеховой комсомольский организациянь секретарь. Аф калдявста ладязе цехса комсомольский работать. Комсомолце лувондовихть васень рядса и производственной работатнень эса и эсь идейно-политический содамашиснон касфтомаса.

Тя работась эщи замечательнай подаркакс минь социалистический родинаьконди.

ПРОИЗВОДСТВЕННЫЙ САТФКСТ

Сталинский Конституциянь шить Саранский консервной комбинатонь комсомолце и аф союзной од ломатне васьфтезь производственной сатфкс мархта. Синь эздост кажнайсь счастьявь, радостень великай праздничть честьс тядяти-роднати аноклась достойнай подаркат.

Комсомолкась-закатчицась Николаева ялгась ноябрьский плавонц пашкодезе 125 процентта ламос и макссь вал, што сон производственной программанц декабрь эздонга пашкодсьс срока инголе.

Производстваса тифтажа трудонь образцовый кепотькст няфнихть комсомолце: токарсь Плодомасов и обвальщиксь Сысуев ялгатне. Синь кафцьке, кода од патриотт, производственной норматнень фалу пашкоткшнесазь вельф и большевикс тюрехть трудонь производительностснон сяда тов касфтоманц инкса. Нят ялгатнень эзда ёфси аф иляткиши комсомолкась, желовщицась Буралкина ялгаське, конац норманц пашкоткшнесы 125—130 процентс.

Эсь лангозост саяф социалистический обязательстватнень пашкодемаса аф калдяв кепотькст няфнихть операционистне Саялина и Плодукин ялгатне. Синь кафцьке тейст довереннай участка работакшнихть вийнь апак ужальтть, стахановецокс.

Тяни комбинатонь комсомолце и од ломатне оцю воодушевлениясь тюрехть кизакувалмонь производственной планть пашкодеманц инкса.

ПРИЯТНА И РАДОСТНА СОДАМС, КТО ВЕРСЬ, КОНАНЬ ОБИЛЬНА ПЯЯРДЕЗЬ МИНЬ ЛОМАНЕНЬКЕ, СТАК АШЕЗЬ ЮМА, СОН МАКСОЗЕНЬ ЭСЬ РЕЗУЛЬ ТАТОНЗОН "И Сталин"



П. М. Яськин ялгась

СИРЕТНЕНДИ—МИНЦОНК НАЙ ПОЧЕТ!

Сталинский Конституцияты шинц животворнай лучанза сувафт эрь трудяшайн кудс, эрь трудяшайн седис и максихть огромнай вий эряфоньконь ингольпаян нинге сядя цебарьгофтоманцы.

„Минцонк эряфсь шуди пашкисе Волгак, Кобяшине минь аф содай счет. Оттень кисна—масторть келес волдафт, Сиретненди—минцонк най почет!“

Минцонк сиретненди действительна почет. Сиретне минцонк Сталинский Конституцияты коряс пользовадайтхь праваса и почетса. Вов сясась Павел Михайлович Яськин аять. Тейна ви 62 киза, а работай Мордовский АССР-нь Земледелия Наркомти заместительск.

Павел Михайлович родителенза эрьшт пик беднайста, а тьян сунедна савь тейна 1891-це кизоста сямом 1917-це кизоты момемс работакшнемс пилес питнеда козянди-кулакони.

Эрямок Шугурова велеса (Б.-Безрезинковский район), сембе виень пурпозь тюрс колхознай строительстват янкса, кулачестват каршес, и кода хата-лабораториян опытник, сатнес эрь гектарста 26 центнера лама сёра.

Аф аыцек Шугурова велень колхозникне кельгась а сире, бодрой аять, но кельгась сонь Мордовиянь сембе трудяшайне. Сонь комказе СССР-нь Верховнай Советти депутатик, и кизф Малай золотой медальса.

Сталинский Конституцияты 120-це статьясома максофт ою прават, кода корхтай: „СССР-нь граждатнен, мзярда сиредихть, а стане жа мзярда сярдихть или юмафт-сазз трудоспособностьсон, улихь праваса получамс материальной обеспеченяю.“

Ташкава ою заботась сиретнен колга аныцек СССР-са, кода во главе ащи большевистский партиясь, сонь народсь и сембонди кельговикс Сталинц!

Г. Пьянзин.

ТРУДТИ ПРАВАСЬ

Миньонк аф аныцек аш безработица, но и машффт тейна сембе возможностьне. Мекланкт минь социалистический государствованьке сонц терди работама и ингольките эсь счетсонза максы теист соответствующей квалификация. Тянди яркай свидетелствас ащи СССР-нь Верховнай Советти Президиумовц государствовань трудовой резерватнен колга Указом. Тя указть коряс минь социалистический индустриянке эрь кизоня кармай ремесленнай, железнодорожной училищатнен и фабрично-заводской обучениань школатнен эзда получакшнемс 800000 сямомк и 1 миллионшка квалификациянай рабочей. Тя корхтай сям колга, што минь странаньке касыкс поколениац избавленнай ся рифксть эзда, што касозь аф муветейна работа, кода тя эрьси капиталистический странань эса. Вдь тоса государствас ёфсикс аф заботай, штоба максомс эрь трудоспособнайта работа.

Июфсикс лиятевься странаса, кода сяськс социализмась. Тяся трудть колга заботай правительствас, сонц нароттнен вождьсна Сталин ялгась. Трудсь минь странасонк—тя честень, славань и доблестень теь. Миньонк кие честна трудендай, сяди почет и уважения!

Советский народсь партияты и правительстват эрь шинь заботасонды отвечайхь трудовой подвигса.

СССР-нь ГРАЖДАНТНЕНЬ УЛИ ПРАВАСНА ТРУДТИ, ЛЯКСА МЯРЬГОМС, ПРАВАСНА ПОЛУЧАМС ГАРАНТИРОВАННАЯ РАБОТА СИНЬ ТРУДСОН КАЧЕСТВАНЦ И КОЛИЧЕСТВАНЦ КОРЯС ПАНДОМАНЬ МАРХТА.

(СССР-нь Конституцияты 118-це статьяц).

МОРДОВИЯСЬ СТАЛИНСКИЙ КОНСТИТУЦИЯТЫ ВАЛДОНЦ АЛА

Мордовский народсь марса СССР-нь сембе нароттнен мархта Сталинский Конституцияты шить васфетезе народнай хозяйствань сембе областнен эса ою сатфкс мархта.

Великий Октябрьский Социалистический революциянь мордовский народть историянза, кода и СССР-нь многонациональной сембе нароттнен историянза, панчс од славнай страница.

1928-це кизоня, Мордовский национальный округть организована лама пивгонты, лувовдось 31 промышленнай предприятия, конат неизменнай пинтес коря кизоты валовой продукциянь максесть 7,5 миллион цалковайн питне, мзяра 1940-це кизоня максы ськамона пенковой комбинатсь.


Васене пятилеткат пингста од строяф и сувафт эксплуатацияс 23 предприятия. Строяфт тьятама предприятия, кода Вадовский „Дубитель“ заводсь, Саранский хлебокомбинатсь, Жегаловский крахмальный заводсь, Торбеевский птицекомбинатсь, Саранский и Рузавкань кирпичнай заводтне, 5 заводт мушткь первичнай обработкань коряс.

Тянди яркай демонстрациякс ащи стахановский движениа келеста развертывания. Промышленность, транспортнь и велень хозяйствань стахановчен прославили родинаньконь трудонь сяшка производительностьса, кодапт нинге ашезь нянде кодамовок капиталистический страна. Стахановский движениань пионерхнен: Стахановц, Бусыгинц, Кривонозь, М. Демчевоть, Л. Климоват и ламонь лиянь лемсна содаф аф аныцек Советский Союза, но и марнек мира.

Мордовиянь од ломаттне тьятама честна трудяйтхь эсь социалистический родинасон пользас, штоба нинге сядонга касфтомс минь странаньконь хозяйственной мощени и обороноспособность. Стахановский движениа сувась ни синь бытозост. Стахановчен и стахановкатнен Волгаеват, Казанцевт, Чапаевт, Салмыковат, Чадайкинат лемсна тьята жа содафт аф аныцек республикат, но и сонь пределдонза ичкизиге.

Башка стахановский рекортнен эзда минь странань трудяшайне ётасть ни массовой стахановский работас.

Праздновандамок Сталинский Конституцияны шить, Мордовиянь од ломаттне нинге сядонга вярй кеподсазз трудонь производительность.



Георгий Пьянзин.

СТАЛИНСКИЙ ЗАКОНЦ

Родной модазе
Валонфоль верса,
Тяда—родинась
Ранендаф ульсь,—
Сембе ширде
Сон кружафоль зверьса,
Сусковдсть,

Кальхиясть
Эзонза пейснон,—
Но уверенна сонь
Готнась пульссь,
Тяда—родинаць
Цёранза эста
Шабань келес лиссть—
Кеподезь мечть.

Бурянь,
Даволонь
Ся—шобда веста,
Кельгонь родинаць,
Моданьконь тейста,—
Зверьхнен ланга
Прокс йовдол кифчядсь...

Тяни вельхссонк минь
Аш фьяков дучаян,
Стак изь юма
Пяярть версь.
Минцонк Сталинский
Од Конституциясь

Валда шикс палы
Эрь трудяйтхь кудса няк,
Касы кемокстай
Сталкс СССР-ст
Сяс и гайфца
Мон тячи эсь моросон
Вярьден шидонга
Валда законть.
Масторт келева
Лучензон ёряй сон,
Эжди седисон
Родинаць цёранзон,
Бойса вий максы
Сясськомс эрь фронтть!
Трудти

И тонафнемс,
Цебарьста ваймосемс,—
Сембе праватне
Сонь эзонза тьяштф.
Родина—тядзянь

Иакса мянь ваймозень
Максса мон.—
Сталинский знамять
Честь мархта мон каннеса,
Мархтонза ковань
Монь аляза сясськс.

БОЕЦТЬ БЕСЕДАЦ

Вов кельговикс Поруб поселканьса, кода ащи вирь трваса живописнай пандонать бокса. Тьяфта куду самста няемок эсь поселканц, арьсесь Кержеманкин ялгась. Сембе синь пик кельговихть, лятьфинхь хасановский боецть илккс пингонь эряфонц. Лятьфинхь сян, кода сонь родителенза, лисемок тя поселкати эрям, тузь сонь ёлма цёравяк, мзярда перфсонза ульсь нинге сплошной вирь. А тьян тьяса панжи колхознай эряфсь,—лаказылак марстонь вийсь.

Сувамок куду, Иван Петровичт аф азомшка ою радостьса васфетезь родителенза, роднянза. Аф лама пивгонь ётазь пашкодсь кудсна колхозникта, колхозницада. Виденц азомс, тьятама инжи тя поселкань мзярдонга ашезь васфене. И аш кода аф васфетемска. Вдь Кержеманкин ялгась Якстерь Армияда инголе работас колхознай счетоводкс.

— Да, азомдомс ся или това пик важнай исторический событиа, сембодонга тэжда—ушедсь корхтам Иван Петровичс, но сатомстонза пияртькшине лама вер.

— Тьяфтак пиндолдыть мяштез аф повфасаз,—корхтамок, колхозникне сурна няфесть „За боевую отвагу“ медальть лангс.

— Мзярда минь шиятеме боевой фронтонь полосати,—корхтай Кержеманкин ялгась,—васенда кати кода ульсь пелькс. Пуляте мещень ройкс вяхкозь лиевдсть вельфканк. Шаштоме прокс самурайх—

нень малас, няхтяма фья-фьянь и вов аныцек срхкамс атакс, ялганьконь, ротань командиресньком шавозь. Арьсекшнемс ашель мзярда. Мон, кода отделениань командир, сывине эсь лангзон подразделениа инкса сембе ответственность. Кеподемок боецнен атакс „За Сталина! За родину!“ валхнен мархта туме штурмс и победась лядсь минь мельганк. Колхозникне ою мялса кулхондозь боевой эпизоттнен колга Кержеманкин ялгати корхтаманц.

— И вов нинге фья случай. Монь кучемазь разведка. Сявомок мархтон фья боец и туме тейнек максф заданиять пашкодема. Пачкодемк шаштозь сопкать малас, минь обнаружил, што самурайхне анокт зайнямс сопкати. Эстакиге максонь сигнал Якстерь ракетаса и минь подразделенияньке ушедсть сопкати кружам, а минь автомата лепендес кирдеме самурайхнен упорнай натисксон.

Лувомок тьян и нинге лама боевой или подвигонень, партиясь и правительствас каземазь медальса.

Минь советский странасонк можеть улемс любовай простой рабочайсь и колхозниксь самой настоящей геройск, сяс мес минь кельсась эсь родинаньконь и любовай пингста, аф ужальдемк ильянэсь эряфоньконьге, честь мархта арасась сонь!

Пьянзин, Храмов.
Сире-Шайковань район.

ВСЕОБЩАЯ ВОИНСКАЯ ОБЯЗАННОСТЬ АЩИ ЗАКОНКС. РАБОЧЕ-КРЕСТЬЯНСКАЯ ЯКСТЕРЬ АРМИЯСА ВОИНСКАЯ СЛУЖБАС АЩИ СССР-нь ГРАЖДАНТНЕНДИ ПОЧЕТНАЯ ОБЯЗАННОСТЬ.

(СССР-нь Конституцияты 132 статьяц).

дукциянь об'ёмсва 1939 кизоня составил 46675,1 тэжянь цалковай.

Промышленность касоманц мархта вишкста касы рабочайхнен лувксонков. Наркоматский промышленность эса заняф рабочейхнен лувксна 1930-це кизоты коряс касс 441,2 процента ламос.

Мордовский республиканьке пик ою успех сатсь велень хозяйствасовок. Республикаса 22 совхоз, 1,519 колхоз, коза сувась 196,376 крестьянский хозяйства, конат Мордовиянь сембе крестьянский хозяйстватнен эзда составляють 88,3 процент, а видемань площадьт коряс 99,4 процент.

Мордовиянь колхознен и совхознен паксисон лангса тя кизоня работас 3 тэжянда лама трактор, 702 комбайна и 490 лама автомашина.

Кизода-кизос кас общественнай животноводствас. Тяни минь республикасонк сембоц лувондови 2,641 лама животноводческий ферма.

Республиканьконь велень хозяйстванц неуклонная касоманц и развитианц колга пик яркайста корхтайхь тьятама факт: 1939-це кизоня Всесоюзная сельхозвыставка Мордовиять эзда ульсь 719 экспонат, конатнен эзда награждатхь васене степенень дипломса.

ломса 2 МТС-т, омбоце степенень диплома 1 МТС, 1 совхоз, 4 колхоз, 4 животноводческий фермат, 1 пасека и 1 калонь питомник. 3 ломатть награждатхь Ою золотой медальса, 10 ломатть—Юо серебряный медальса, 52 ломань—Юома серебряный медальса. МАССР-нь Совнаркомсь тя кизоня Всесоюзная сельхозвыставка кемокстас 1571 экспонат.

Промышленность и велень хозяйстват успешнайта касоманса обеспечили минь республикань трудяшайхнен материальной и культурнай уровеньон касоманц. 1283 школа, кода маякт ащихь минь республиканьконь территориян лангса, конат валдонихть минь касыкс поколенияньконь,—207,3 тэжянь юношань и стирьянх умсон. Тяда башка республикаь территорияс 19 техникум, 2 пединститут, 540 изба-читальня, 77 велень колхознай клубт, 103 дошкольная учреждения и стак тов.

Сембе нят цифратне красочнейшайста корхтайхь Мордовияса культурнай строительстват пик оюста касоманц колга.

Республикаса лувондови аф кража школа, конат могу ашес примеркс аф аныцек республикати, но и сонь пределдонза ичкизиге.

Тьятама, например, Козловский районца Н. Сыресеань аф полнай средняй школас, кода 1939 кизоня 318 тонафнит эзда второгодникне ляткшине аныцек 3 ломатть; Куриловский средняй школаса—688 тонафнит эзда второгодникне ляткшине аныцек 2 ломатть, Уметовь НЦШ-сь сатсь успеваемость 98,9 процент и стак тов. 233 учитель начальнай школатнен эзда получасть 1939-це кизоня 100 процентнай успеваемость. 40 инь цебарь учитель награждатхь правительстват ширде ордена и медальса.

Значительна лама можна няемс и искуствань областсовга. Кда республикати территорияса революцияда вьроде ашель фьяков звуковой киноустановка, да немой-донга ульсь аныцек 6, то 1939 кизоня лувондось 117 кинотеатра, конатнен ётка 67—звуковойхь.

Улихь опернай и драматический театр, колхозно-совхозный театр, Мордовский государственнай капелла и лама сядот самодеятельностьне кружок.

Революцияда инголе Мордовияса афоль лисенде фьяков книга и газета. Тяни ноявляни 36 газетна название, 3129,4 тэжянь листна книга. Аныцек республикати районнов эса ноявляни 30 газетна.

Сталинский заботась ломаттнен колга нявни и сян эзда, што 1939-це кизоня госбюджетсь здравоохраненияти составил сембе республикати эза 20,891 тэжянь цалковай, льякс мярьгомс 18,1 крада сядла лама, чем 1929 кизоня.

Минь республиканьконь успехонза пик ошофт. Но нинге сядя оюофт сонь развитиань перспективанза 3-це пятилеткат пингста. 3-це пятилеткат пингста сувайхь стройс электроприборонь, автотшнани и лама лия заводт. Марнек ули аделаф пенковой комбинатть строительстват, ули доведеннай полнай мощностьс СартЭЦ-сь, улихь реконструированыхть хлебозаводсь, маслозаводсь, мясокомбинатсь, махорочнай фабрикась, суковнай и бумажной фабрикась. Райоттнен эса намечаются тьемс колбаснай предприятия, безалкогольной напитокань тиема, кандитерский, говчарнай, черепичнай, кирпичнай и лама лия заводт. Словом, колмоце пятилеткат пеншты Мордовиясь арай аф содавикс.

Но Мордовиянь трудяшайхне аф лоткайтхь вят сатфкснен лангс. Синь большевистский партиять руководстванц ала кармайхь сядла товонга касфнема минь родинаньконь хозяйстванц и кемокстас сонь обороноспособность.



Лизьева ялгась

ОТТНЕНЬ КИСНА—МИНЦОНК СЕМБЕ ВАСТКА

Сталинский Конституцияты шивалдонц ала павазса панжи и радостьса пивдолды минь необятнай многонациональной родинаньке.

Полафтсь авать эряфоц. Сон свободнайста тарксесы ваймонц, ёрдаф лангстонза бесправиянь и нишетань гнетсь, кода вечна мучендакшнесь народть эса. Ашельхь кодамовок праванза участвовандамс государственнай деятельности. Стирнясь, кода арьсесь шарьхкодикс, афоль сода будущай светлай эряф.

Великий Октябрьский Социалистический революциясь тязень модат лангста эксплуататорский класснен. Марса тьян мархта ёрдазе авать лангста сталмоть. Авась мусь эстейназ счастливый и радостнай эряф, кода аф содасаз капиталистический странань трудяшай аватне.

Можна няфтемс лама стама факта, мзярда стирнясь, аделамок начальнай школат, кармай тонафнема специальная школаса, институтса и стак тов. Аделама школат, муа эстейназ валда ки эряфти. Вов Мордовский государственнай пединститутонь студенткась Лизьева ялгась. Сядынголе ашель кода арьсемска тьян колга, што трудовой народть стиренза и цёранза тонафнелхь высшай учебнай заведенийса и улелхь кочкафт государственнай управлениа.

Путомок сембе эсь виинц, Лизьева ялгась сатсь тонафнемань тева отличнай и цебарь показателхь. Тонафнемати ою трудонь путомат лия оценил минь народоньке, кочкамок сонь депутаткс Мордовский АССР-нь Верховнай Совету.

Лизьева ялгась аф калдыаста пашкотыкшнесь народвай слугань лемть, а сембе жа товафни отличнайста и цебарьста, вяти ою общественнай работа. Тьян мархта няфнесь большевистский партияти и советский правительствати эсь перфема преданности и келгоманц.

И. Белов.

Саранск ош.

Тевсь сембе общественность

Зубово - Полянн районотъ сведениязон коряс Од Потьмаса лувондови 117 ломань аф грамотнайда и 215 ломань малограмотнайда. Сембе нят сведениятне пик сиредсть, и кодаа аф соответствовандайхть действительности. Видекс жа малограмотнайда 39 ломань. И ня сведениятне аф няфнесазь действительной положениять. Тяниень пингть жа тонафнемаа фатяф аныцек 41 ломань, синь эздост 18-сь — малограмотнайхть и 12 ломанць — допризывникт.

ВЛКСМ-нь райкомса и районоса лувондсазъ, што Од Потьмаса тевсь ащи пик кальдявста.

Аф кунара сашендсь райкомста уполномоченный. Сон закрытай комсомольский собраниясь лувозе ВЛКСМ-нь ЦК-ть инструкциянц и тусь. А кода ащи тевсь ликбезть мархта, нльня ашезь интересовандакшне и ашезь максс кодамовок лезкс комсомольский организациань секретарьти. Эряви азомс, што нльня комсомольский организациань секретарец Пирогов ялгась луви слогс коря. „Ленинов киге“ колхозти максомс лезкс ликбезть организовандамаса. Пяткин.

УЧЕНИКНЕНЬ ПОВЕДЕНИЯСНА

Перхляй велень аф полнай средняй школань кой-конат ученикне пик аф дисциплинированнайста вятьсазъ эсь прысон. Синь школаса хулиганендайхть, аульцяс таргайхть, налхкондыхть картаса и орлянкаса. Тяфтамкс, например, лувондовихть 5, 6 и 7-це классонь кой-кона ученикне.

Ученикнени: А. Я. Ильгинти, В. И. Пьянзовти, В. И. Чугуновти и В. Нарватовти школань директорсь азсь строгай выговор, но синь поведениясна тя взыскавияда меленге иляткшни ингольпекс.

П. Зуева.

Рузаевкань район.



Якстерь Армияса боевой учебась

СССР-нь Оборонань Народнай Комиссарть Советский Союзонь Маршалть С. К Тимошенко приказонц коряс Московский военной округонь 137-це стрелковой дивизиясь награждается отличнай подготовкоть инкса Якстерь Армиять переходящай Краснай знамянц мархта. Дивизиять сембе личнай составонцы азф благодарность.

СНИМКАСА: Политруксь Наумов ялгась (жержи ширеса) привалса од боеченень ётка ётафты беседа.

Фотось Д. Черновть. (Фотось ТАСС-ть).

ЖУВАТАТИ ЭРЯВИ ЦЕБЯРЬ УХОД

Лама колхост, лувомок оцю пользатъ общественной животноводствать эзда, пополнили фермасон. Юнкорхне Липевкин (Инсарский район, Сире Исса пря веле) и Икомасов (Ельниковский район, Каньгуж веле) пачфнихть куля, што нят велетнень эса жуватавть водьяма платтне пашкотф 100 процентс. Ферматне, конат организовандафт од пополнениять эзда, ашихть порядкасот, лямболготфт помещениатне и жувататнень мельге ладяф цебарь уход.

Краснослободский райононь „Од эряф“ колхозса ферматне укомплектованнайхть цебарь работникса. Фермань заведующайсь Терешкин ялгась эсь пингстонза тись ремонт траксонь помещениати.

Кадошкинский райононь „Видеки“ колхозса—сьормады Лобанов юнкорсь, ферматнени работама кемокстафт честнай и добросовестнай колхозникт. Дояркас работай А. И. Келина ялгась, конац цебарьста заботендай тейнза кемокстафт тракснень колга.

Но улихть колхозонь руководителхть, конат тячимс безответственна ваныхть государственнай важностень тевть лангс. Бакайкин юнкорсь сьормады, што Краснослободский райононь Потякш велень колхозса тракснени корма максекшнихть аф сатомшка, аф корхтамок ни синь мельгаст аф цебарьста якать колга. А комсомольский организациань ня безобразиятнень шири сатомшка мяль аф шарфни.

П. Горьканов.

ПРАВДИВА НЯФНЕМС КЛАССОВАЙ ТЮРЕМАТЬ*)

Авторсь ёразе Полють няфтемс революционеркакс. Сон ульсь каторгаса, коса тонафнезь большевикне революционнай тевти. Но сон няфтьф сязьфста народнай массать эзда, сяс мес ёфси алак няфтьф трудовой крестьянствать революционнай чертанза, крестьянствать глубокай сочувствия революционерхвени-большевикнени.

Великай пролетарский писательсь Алексей Максимович Горький ламоксть корхнесь, што народти чуждай пессимизмась, аф ваномок ся факть лангс, што народсь эрясь такаста и мучительна. Но сембе сяка коллективти кода ба свойственнайхть эсь бессмертиянц шарьхкодемац и тейнза сембе враждебнай вийхнень сяськомас-нонды верондамась.

Н. Алемасевсь „Миколкань Татусь“ поэмасонза Татуть, кода няеви, должен няфтемс народнай счастьясть инкса борецокс. А вов ванцаськ мезе корхтай Татусь:

„Меркулонь баярьс
Шокши эсонск,
Куломась ащи
Минь пря песовок,

*) Ушетксонц ванк 134 №-ста.

Меркулонь баярьс
Мяленц топафни,
Ашуфнень эса
Крхка калмоти
Сон вдь калмафни...
Равжа руцяса,
Менельясь ашкотф,
Тейнек валда ши,
Няйкак, аф няемс“.

Сембонди содаф, што революцияда инголе трудовой народсь эрясь пик такаста, нуждань и горань потмоса. Но народсь мзярдонга ашезь прашенда пессимизмат кода тя няфтьф „Полю“ и „Миколкань Татусь“ поэматнень эса, сон вечна ульсь оптимистокс. Народсь мзярдонга ашезе юмафне эсь верондаманц сянди, што тии эстейнза радостнай и счастливый эряф, кодама и тись великай русский народсь земной шартъ фкия-коточецкс частьсонза.

Виде, Н. Алемасев няфни фронтста цёра, конац Татуть тядянц мархта корхнемста азсь аф лама вал сянть колга, „кда сргози ашувонь волнась, оцю вайгяльса азсы: пинге сась, панде шокшендомс лядыкс вероньконь, саты арнить тон плетьса копоньконь!“

Тевсь сянть эса, што ня вилхне

няфтьф, васендакиге, сязьфста сонцень общай политический ситуациять эзда, ня валхне аф отражавдакшнесазь народть стремлениянц. Народсь жа сембе сяка аф верондай солдатть валонзонды:

„Тон, равжа аля,
Мезе ни тият,
Пейхнень сускондсайть,
Да илядс вуйат.
Аш месь азонкшнемс,
Тонць лап содасак
Валда эряфкять
Тяса аф мусак“.

Мзярда луваск М. Горькайнь кодама-кодама произведениянц, эс-такиге тон няйкак эксплуататорский строить сембе рдазу и отвратительнай чертанзон. Но аф аныцек сянть. Полнайста няйсайть ся аф справедливый строить каршес тюрихнень, няйкак ся наксада строить неизбежна юмаманц.

Конешна, мордовский литературась од, отт писательхневок, поэтневок. А мзярда тя или тона ушеткшневи тиесм васенда, могут улемс аф сатыкстка.

Однака пинге ни сядо оцю и серьезнай мяль шарфтомс кажнай поэтти и писателти эсь творчествованцы. Народсь веши минь эздонк полноценнай, сембе ширде выдерженнай произведеният, конат ба улельхть достойнайхть минь великай Сталинский эпоханьконди.

АНГЛО-ГЕРМАНСКИЙ ВОЙНАСЬ

Кода азондозе германский информационный бюрось, декабрь 2-це шинц карша веть германский бомбардировщиконь оцю соединениятне стаки тиевдсть налетт Саутгемптонть лангс. Портть складонзон эса взрыфне няевсть мянь Ла-Маншь французский побережьястонза. Сяка пингть германский самолетне атаковандакшнезь Лондонть, Бирмингамть и Ливерпульть. Декабрь 3-це шинц карша веть германский авиациясь пик виюста бомбардировандазе Бристольть.

Рейтер агентствась азондозе, што декабрь 2-це шистонза веть английский стака бомбардировщикне тисть налет Вильгельмсхафенть лангс. Бомбардировандаф германский фкия пик оцю судостроительнай верьф.

Германский официальный крукнень эса тя сообщениять лувондсазъ аф видекус.

* * *

Германский информационный бюрось азондозе, што декабрь 2-це шистонза германский подводнай лодкатне тисть успешнай атака английский суднань оцю караванть лангс, кона мольсь Англияв. Ваяфть 15 грузовой судна, конатнень общай тоннажсна 110 тейнянь тоннада лама.

Ваяфтьф тяфта жа вспомогательнай английский „Каледония“ крейсесь 17 тейнянь тоннань водоизмещениясь, кона мольсь конвойть составса. Возможна, што ваясть нинге кафта конвойнай суднат 16 тейнянь тоннань водоизмещениясь. Тяфтаня, германский подводнай лодкатне тя караванть составста ваяфтьфть неприятельский суднат 160 тейнянь тоннада лама тоннажса. (ТАСС).

—○—

Грецить и Италиять ётка военной действиятне

Кода пачфни иностраннай печатсь, Поградець сямомдонза меле греческий частьтне стаки мольфтьф наступления. Морозсь и оцю ловсь сталгафнесазь военной действиятнень. Декабрь 2-це шистонза илять самс грекне мольсть сембоп 5—8 километрат Поградець эзда.

Тяда меле грекнени удалась фатямс кой-кодама важнай высотат. Кода корхтайхть американский телеграфнай агентствань корреспонденциятне, южной фронтса сембе итальянский войскане ушедсть потама. (ТАСС).

—○—

Чан-Кай-шить речец

Декабрь 2-це шистонза Чан Кай-ши азсь речь сянть колга, што Япониясь тись соглашения ванцзинвейский „правительствать“ мархта. Чан Кай-ши мярьгсь, што тя соглашениясь ащи кагод пакшкак, конац незаслуживает мялень шарфнема. Ван-Цзин-вейть признандаманц и сонь мархтонза соглашениянь тиёмать мархта японский правительствась арьси аделамс японо-китайский войнать. Но тяфтама аськолксса японечнени аф аныцек аф машфтови японо-китайский войнась, но, мекланкт, няфнесы сядо тов сонь молеманц. Мекольдены соглашениясь—тя документ, конац разоблачает японский военщинать военно-политический поражениянц.

Заклученияса Чан-Кай-ши тердесе народть и армиять сплоченияти и победань сатомать самс тюремат. (ТАСС).

Ответ. редакторсь И. ЧУДАЙКИН.